

ጳውሎስ ጋላቲያ አሳው ፃፊዳ ኪታ ጌሉዋ

ዩሱስ አሺያዋ ጊዲያዋ ኦሪያ ሚሺራቹዋ ቃላይ፡ ዲማ ዲማ ሳዓን ኦዴቲሺናኔ አዩሁዳ ጊዴና አሳይካ አማኒዴ አኪ አኪ ቢሺን፡ «አማኒያ አሳ ጊዴናው ሙሴ ሂጊያ ፖላናው ኮሺዬ ኮሺኔ?» ጊያ ዋላሳይ ኢቲፔ ዴንዴዳ። ሄ ዎዴ ጳውሎስ፡ «አማኒያ አሳ ጊዴናው ሙሴ ሂጊያ ፖላናው ኮሺና፤ ዩሱሳን ኦራላ ዴዑዋ ዴማናው አኒ አማኖ አሳይ፡ ያሳ ሲንላን ሂላናው ዴንዳዪያዌ አማኖ ፃላላና» ያጊዴ ታማሪሱዋ ደሚዳ። ሺን ቄሪ ኢሲያ ጊዴን፡ «አሳይ ያሳ ሲንላን ሂላናው ዩሱሳን አማኒያዋ ፃላላ ጊዴናን፡ ሙሴ ሂጊያካ ፖላናውኔ ቃፃሪታናው ኮሺ» ያጊዴ ጳውሎሳ ቲሚርቲያ ጳልቂያ አሳቱ ዴዲና።

ጳውሎስ ሃዋ ጋላቲያ ኪታ ፃፊዳዌ ሃ ባላ ቲሚርቲያን ጨሜቲዳ አሳ ሱሬ አማኑዋሲኔ አማኑዋ ዴዑዋሲ ዛሪዴ ካሌላናሳ። ጳውሎስ ኮይሮ ደሚዳ፡ ኢ ባሪና፡ «ታኒ ዩሱሲ ከቲዳዋ» ያጊ ኤሪሲዴ ደሚ። ዩሱሲ ከቲዳዋ አላዴ አ ፃሴዳዌ ያሳፔ አቲን፡ አሳ ጊዴናዋኔ ቃሲ ኢ ከቲዳዳዌ አዩሁዳ ጊዴና አሳቱዋሳ ጊዲያዋ ቆንጨሲዴ ኦዴ። ሄዎናካ ኦይቄቲዴ፡ አሳይ ሂላናው ዴንዳዪያዌ አማኑዋ ፃላላና ጊዲያዋ ኦዴ። ወርሴላ ሺምፓቲዋን አማኑዋ ኤሻይ ዩሱሳ አማኒያ አማኑዋፔ ኬሲያ ሲቁዋፔ ፑልቲያዋ ጊዲያዋ ኦዴ።

ሺምፓቲዋ ኡባቲዋሲ ኢሜቲዳ ቃንላ ቆፋቲዋ ጌሉዋ (1:1-10)

- ጳውሎስ ያሳፔ ከቲዳዳ ማታ (1:11-2:21)
- ያሳ አጵ ኬካቲላ ሚሺራቹዋ ቃላ (3:1-4:31)
- ኪሪሰቲና ላዓቲላኔ አማኑዋ (5:1-6:10)
- ወርሴላ ቁቲያ (6:11-18)

1 ታኒ ጳውሎስ፡ ዩሱሲ ኪሪሰቶሲኔ ቃሲ ሃይቁዋፔ አ ዴንጼዳ ያሳይ አዉ ከቲዳዳዋ አቲን፡ አሳፔ ዎይ አሳ ባጋና ከቲዳዳዋ ጊዲኪ። 2 ሃ ታኒኔ ታናና ዴዲያ አማኒያ አሻቲ ኡባይ፡ ጋላቲያ ጋዲያን ዴዲያ አማኒያ አሳ ኡባው ሳርታ ከቲቶ።

3 ያሳይ ኑ አዉኔ ኑ ጎዳይ ዩሱሲ ኪሪሰቶሲ ሂንቴንቶ አቶ ኬካቴላኔ ሳሮቴላ አሞ።

4 ኑ ያሳ፡ ኑ አዉዋ ሸኒያን ኪሪሰቶሲ ሃ ኢታ ኦሱ ኦሴቲያ ዋዲያፔ ኑና አሻና ማላ፡ ኑ ናጋራ ዲራው፡ ባሬ ሁጺያ አሜዳ።

5 ያሳው ሜጲፔ ሜጲና ጋካናው ቦንቹ ገዶ። አሜንዒ።

ሚሺራቹዋ ቃላ ቱሙ አቱዋ ዓላላ

6 ኪሪሰቶሳ አቶ ኬካቴላን ሂንቴንታ ያሳ አገዳ፡ ሃራ ዋንጋላኮ፡ ሂንቴ ኤሌሊዳ፡ ዋቲ ሲሜዲቴንቶ ታው ኦራላባ ገዳዳ።

7 ሂንቴንታ ቡልዓኪያዋንቴኔ ኪሪሰቶሳ ሚሺራቹዋ ቃላ ጌላያናው ኮዪያ አማሬዳ አሳቱ ዴዒኖፔ አቲን፡ ቱሙፔ ሃራ ሚሺራቹዋ ቃላይ ባዋ።

8 ሺን ሃራይ አቶ ኑና ገዲና፡ ዋይ ሳሉዋፔ ኪታንቻ ገዲና፡ ኑኒ ሂንቴንቶ ካሴ ኦዴዳ ሚሺራቹዋ ቃላፔ ዲማቲያዋ ሂንቴንቶ ኦዲያዋ ገዶፔ፡ ኢ ሜጲናው ሸቄቴዳዋ ገዶ።

9 ካሴ ኑኒ ጌዳዋዳን፡ ሃዒካ ላዒንሉዋ ታኒ ኦዳይ፤ ሂንቴ አኬዳ ሚሺራቹዋ ቃላፔ ዲማቲያዋ ኦኒኔ ሂንቴንቶ ኦዶፔ፡ ሄ ኡራይ ሜጲናው ሸቄቴዳዋ ገዶ።

10 ሃዌ ታና አሳፔ ሳባ ኮዪያዋ ማላቲሲ? ማላቲሴና! ታኒ ያሳይ ሎዓ ገያዋ ኮያይ። ዋይ ታኒ አሳ ናሹቻናው ኮያይታ? ታኒ ሃዒካ አሳ ናሹቻናው ኮዪያዋ ገዶፔ፡ ኪሪሰቶሳ አይሌ ገዲኬ።

ጳዉሎሲ ዩሱሲ ኪቴዳዋ ገዳዳ ሃኑዋ

11 ታ አሻቶ፡ ታኒ ሂንቴንቶ ኦዴዳ ሚሺራቹዋ ቃላይ አሳፔ ገዳናዋ ሂንቴንቶ ኦዳይ።

12 አዪሲ ጎፔ፡ ታው ዩሱሲ ኪሪሰቶሲ ቆንጨሴዳፔ አቲን፡ ታኒ ሚሺራቹዋ ቃላ አሳፔ አካቤይኬ፤ አሳይ ታና ታማሪሲቤና።

13 ካሴ ታኒ አዪሁዳ አማኑዋን ዴዒያ ዋዳ፡ ዋናዴ ዴዒዲታንቶ፡ ሂንቴ ሲሴዲታ፤ ታኒ ኪሪሰቶሳ አማኒያዋንታ ቃሬታይ ባይና፤ ዩዴርሳዲኔ ቆዪሳናው ባዳታዲ።

14 ታ ዋዴ ያሬዳ አሳቱዋፔ ጮራቱዋ አዪሁዳ አማኑዋ ሂጊያ ናጉዋን አቆይ፤ ኑ አዋቱዋ ዋጋ ኦፔኔ አቆይ ሲቃዲ።

15-16 ሺን ያሳይ ባሬ አቶ ኬካቴላን፡ ታኒ ቢሮ ታ ዳዪ ኡሉዋን ዴዒሺን፡ ባሬው አላናው ታና ያሴዳ፤ አባ ኦዲያ ሚሺራቹዋ ቃላ አዪሁዳ ገዳና አሳው ታኒ ኦዶና ማላ፡ ያሳይ ባሬ ናዓ ታው ቆንጨሳናው ኮዪዳ ዋዳ፡ ዞሬታናው ኦኮኔ ባቤይኪ።

17 ዋይ ታፔ ካሴ ዩሱሲ ኪቴዳዋንቴና ጋኬታናው ዩሩሳላሚ ባቤይኪ፤ ሺን ታኒ ኤሌካ አራቢያ ጌቴቲያ ጋዲያ ባዲ። ሄዋፔ ዳማሰቆ ገያ

ካታማ ሲማዲ። 18 ሄዙ ላይላፔ ጉዩያን፣ ጳጳርሳና * ጋኬታናው ዩሩሳሌሜ ባዴ፣ አናና ታማኔ ኢቺሹ ጋላሳ ኡታዲ። 19 ሺን ዩሱሲ ኪቴዳዋንቱፔ ጎዳ እሻ ያዩቆባፔ ኣቲን፣ ሃራቱዋና ጋኬታቤይኪ።

20 ታኒ ሂንቴንቶ ፃፊያዋን ዋሪ ባዋ፤ ታኒ ሂንቴንቶ ዋርዲዋ ኦዴናዋ ያሳይ ማርካ!

21 ሄዋፔ ጉዩያን፣ ሶሪያ ጌቴቲያ ጋዲያኔ ኪልቂያ ጌቴቲያ ጋዲያ ባዲ። 22 ዪሁዳን ዴዲያ ኪሪሰቶሳን ኣማኒያዋንቱ ታናና ኤሪታ ገዲኪኖ። 23 ሺን ሃራ ኣሳይ፣ «ኵና ዩዴርሲ ዩዩያ ቢታኒ ሃዋፔ ካሴ ኢ ቆዩሳናው ኮዩያ ኣማኑዋባ ሃዲ ኦዴ» ጊያዋ ኡንቱንቱ 24 ሲሲዴ ታባን ያሳ ጋላቴዲና።

2

ጳጳሎሲ ኪቴቶዋ ገዲያዌ ሃራቱዋ ማታን ኤሪቲዳ

1 ሄዋፔ ሲማዴ ታኒ ታማኔ ኦይዲ ላይላፔ ጉዩያን፣ ባሪናባሳና ለዒንሱዋ ዩሩሳሌሜ ባዴ፣ ቲታካ ታናና ኣካዴ ባዲ። 2 ያሳይ ታው ሳፃን ቆንጨሴዳ ዲራው ባዴ ታኒ ሃዲ ኦሲያ ኦሱ ዋይ ካሴ ኦሲዳዌ ሚላ ኣቴና ማላ፣ ኪሪሰቶሳን ኣማኒያዋንታ ካሌሲያዋንታ ዲማ ሸሻዴ፣ ኣዪሁዳ ጊዴና ኣሳው ታኒ ኦዲያ ሚሺራቹዋ ቃላይ ኣይ ማሌንቶ ኡንቱንቶ ኦዲዲ። 3 ሺን ሃራይ ኣቶ ታናና ዴዲያ ቲታ ኢ ገሪኬ ጋዲያ ኣሳ ገዲሺን፣ ቃፃሪቶ ገዴ ጎዴቲቤይኪኖ። 4 ገደፔኔካ፣ ዋርዲዋን ኡሲ ኣሻቱዋ ማላቲ ዩዴ፣ ኵናና ዋላኬቴዳ ጮራ ኣሳቲ ኣ ቃፃራናው ኮዩዲኖ። ሄ ኣሳቲ ኪሪሰቶሳ ዩሱሳን ኡሲ ዴዲያ ኦኒ ኮዩዳዋዳን ሃናና ዳንዳዩያ ላባቴላ ዋቺዴ ጳሻናው፣ ወዴቲዴ ኦ ገደ ጌሊዴ ኵና ኣይሌ ኦላናው ኮዩዲኖ። 5 ሺን ሚሺራቹዋ ቃላ ቱማቴላይ ሂንቴንቱና ሚኒ ዴባና ማላ፣ ኦኒ ሃራይ ኣቶ ጉላ ዋዲያካ ኡንቱንቶ ዋዴቲቤይኮ።

6 ሺን ካፓቱዋ ማላቲያዋንቱ ታው ኣይኔ ኦራላ ቆፋ ኣሚቤይኪኖ፤ ሃዋ ኣዩሲ ጋይታ ጎፔ፣ ሃዋፔ ካሴ ኡንቱንቱ ኦና ገዲናካ ታና ሚቲያባ ገዴና፤ ያሳይ ኣሳ ሶምዒያ ፃሊዴ ፐርዴና። 7 ሺን ጉዩፔ ያሳይ ጳጳርሳው፣ ኣዪሁዳቶ ሚሺራቹዋ ቃላ ኦዲያ ሃዳራ ኢሜዳዋዳን፣ ታዉካ ኣዪሁዳ ገዴና ኣሳው ሚሺራቹዋ ቃላ ኦዲያ ሃዳራ ኢሜዳዋ ኡንቱንቱ ቤዔዲኖ። 8 ኣዩሲ ጎፔ፣ ጳጳርሲ ኣዪሁዳቶ ዩሱሲ ኪቴዳዋ ገዴዳዋዳን፣ ታኒካ ያሳ ዋልቃን ኣዪሁዳ ገዴና ኣሳው ዩሱሲ ኪቴዳዋ ገዳዲ።

* 1:18 ጳጳርሳ፣ ግሪኬ ማፃፋይ ኬፋ ያጌ። ቢሌላይካ ኣራማዩኬ ቃላን «ዛላ» ጊያዋ። 2:6 ዛር 10:17

9 ቃሲ ካሌሊያዋንታ ማላቲዳ ቤቲያዋንቱ፣ ያዩቆቢ፣ ጳጳርሲኔ ዮሃንሲ፣ ታው ኢሜቲዳ አቶ ኬካቲፋ ኤሪዳ፣ ታናኔ ባርናባሳ ኑ ኩሺያ ኦይቂዳ ሳርቲዲኖ። ታኒኔ ባርናባሲ አዩሁዳ ጊዳና አሳ ጊዳን ኦሳናዳን፣ ቃሲ ኡንቲንቲ አዩሁዳቲዋ ጊዳን ኦሳናዳን ቃቺዳ ዳንዳድ። 10 ኡንቲንቲ ኑና ካሴፔካ ታኒ ኦሳናው ቆፓዳ ዴዒያ ሂዬሳቲዋ ማዳናዋ ፃላላ ቆፊሴዲኖ።

ጳጳሎሲ አንዮኪያን ጳጳርሳ ቲሚርቲያ ጳልቄዳ

11 ሺን ጳጳርሲ አንዮኪያ ጊያ ካታማ ዬዳ ዋዴ፣ ኢ ባዩዜዳ ዲራው፣ ቆንጩያን ታኒ አ፣ «ኔኒ ባዩዛንቻ» ያጋዲ። 12 አዩሲ ጎፔ፣ ያዩቆባ ማታፔ ኪቲቲዳ አማራዳ አሳይ ያናፔ ካሴ አዩሁዳ ጊዳና አሳቲዋና ቁማ ማ፤ ሺን ኡንቲንቲ ዬዳዋፔ ጉዩያን፣ አዩሁዳ ጊዳናዋንቲ አማኒያዋንታ ጊዳናው ቃፃሬታናው ኮሼ ጊያዋንቶ ያዩዳ ዲራው፣ ሚያዋ ኤሲዳ፣ አዩሁዳ ጊዳናዋንቲፔ ሻኬቲዳ። 13 ቃሲ ዮኮ አማኔዳ አዩሁዳቲ ጳጳርሳና ያሻ ደሜዲኖ፤ ሃራይ አቶ ባርናባሲካ ኡንቲንቲና ያሻንቻ ጊዳዳ።

14 ሺን ኡንቲንቲ ሚሺራቸዋ ቃላ ቲማቲፋዳን፣ ሱራ ሃሚቲናዋ ቤዓዴ፣ ጳጳርሳ ሄ ኡባ አሳ ሲንላን፣ «ኔኒ ያሳ አሳ አዩሁዳ ጊዳዳ፣ ኡንቲንቲዳን ጊዳናን ያሳ አሳ ጊዳና አዩሁዳ ጊዳናዋንቲዳን ዴዒ፤ ሺን ያቲና፣ ዋታዳ አዩሁዳ ጊዳናዋንታ፣ «አዩሁዳቲዋዳን ዴዒቲ» ጋዴ ጊዳይ?» ያጋዲ።

አዩሁዳቲካ አዩሁዳ ጊዳናዋንቲካ አቲያዌ አማኑዋና

15 ኑኒ ዬሌታን አዩሁዳ፤ «ናጋራንቻ ጊዳዳ አዩሁዳ ጊዳና አሳቲዋ» ጊዳኮ። 16 ሄዋ ጊዳፔካ፣ አሳይ ዬሱሲ ኪሪሰቶሳ አማኒዳ ያሳ ሲንላን ዲላናፔ አቲን፣ ሙሴ ሂጊያ ናጉዋን ዲላናዋ ኤሬዳ፤ አሹዋ ማዬዳ አሳይ ኡባይ ሙሴ ሂጊያ ናጉዋን ዲላና ዲራው፣ ኑኒ ኑ ሁጳዉካ ሙሴ ሂጊያ ናጉዋን ጊዳናን፣ ኪሪሰቶሳን አማኒዳ ዲላና ማላ፣ ኪሪሰቶሲ ዬሱሳን አማኒዳ።

17 ሺን ኑሲ ኪሪሰቶሳን ዴዒያ አቲፔቲፋን ዲላናው ኮዩያዋንታ ጊዳዳ፣ ኑ ሁጳው ናጋራንቻ ጊዳዳ ቤቶፔ፣ ያቲና ኪሪሰቶሲ ናጋራ ታማሪሲያዌ? ሄዌ ሙሌካ ዋርዶ! 18 አዩሲ ጎፔ፣ አቲ ካላካ አጋ ዲጌዳዋ ታኒ ላዔሉዋ ኦሊያዋ ጊዳፔ፣ ታኒ ታ ሁጳው ሂጊያ ሚንሊያዋ ጊዳያዋ ኤሪሳይ። 19 ታኒ ያሳው ፓፃ ዴዒና ማላ፣ ሂጊያ ባጋና ሂጊው ሃይቃዲ። 20 ታኒ ኪሪሰቶሳና አ ማሰቃሊያ ቦላ ሚሲማሪያን ጳሼታዳ ካቂታዲ፤ ሲሚ፣ ሃዒ ፓፃ ዴዒያዌ ታና ጊዳኬ። ሺን ኪሪሰቶሲ ታ ጊዳን ዴዒ፤ ታኒ ሃዒ ዴዒያ

ዴዑ፡ ታና ሲቁዴ፡ ታ ዲራው፡ ባሬ ሁጲያ ኢሜዳ ያሳ ናዓን ዴዒያ አማኑቀና። 21 ታኒ ያሳ ኣጵ ኬካቴላ ኢዲኬ፤ ኣሳይ ሂጊያ ባጋና ዒሎቴላ ዴሚያ ጊደቴ፡ ኪሪሰቶሲ ጮ ማላ ሃይቁዳ ጉሳ።

3

ዒሎቴላይ አማኖ ያላላን ቤቴ

1 ኣኬካይ ባይና ጋላቴያ ኣሳቶ፡ ታኒ ሂንቴና ኪሪሰቶሲ ማሰቃሊያ ቦላን ሚሲማሪያን ጳሺቴዴ ካቁቴዳቀ ቆንጩሳዴ ታማሪሳዲ። ያቴና፡ ቱሞ ሂንቴ ኤኖ ጌና ማላ፡ ሂንቴንታ ቢቴዳቁ ኦኔ? 2 ኣኔ ታው ሃ ኢቴ ዬውቀ ያላላ ኦዲቴ፡ ያሳ ኣያና፡ ሂጊ ጊያቀ ናጊዴ ኣኬዲቴ ዎይ አማኑቀን ሲሲዴ ኣኬዲቴ? 3 ሂንቴንቴ ሄቀ ከና ኤዬ? ያሳ ኣያናን ዴዑቀ ዶሚዴ፡ ሃዒ ሂንቴ ዎልቃን ፖሊቴ? 4 ሂንቴንቴ ዲቡራ ኡባው ኣይኔ ማዲ ባቂ? ቱማ ማዲ ዴዒ። 5 ያቴና፡ ያሳይ ሂንቴንቶ ጌሻ ኣያና ኢሚያዌኔ ሂንቴ ጊደን ማላታ ኦሊያዌ፡ ሙሴ ሂጊያ ሂንቴ ኦሌዳ ዲራሴ? ዎይ ሚሺራቹቀ ቃላ ሲሲዴ፡ ሂንቴ አማኔዳ ዲራሴ? 6 ሃቀዳንካ፡ ኣብራሃሞ ያሳ አማኔዳ ዲራው፡ ያሳይ ኣ ዒሎቀዳን ዌሌዳ። 7 ሃቀ ዲራው፡ አማኒያቀንቴ ኣብራሃሜ ዛሬ * ጊዲያቀ ኤሪቴ። 8 ያሳይ ኣዪሁዳ ጊዴና ኣሳ አማኑቀን ዒሊሳናቀ ያሳ ማፃፋይ ካሴት ቤዒዴ፡ «ሃ ኣላሚያን ዴዒያ ኣሳይ ኡባይ ኔናን ኣንጃታና» ያጊዴ፡ ሚሺራቹቀ ቃላ ኣብራሃሞሲ ካሴቴዴ ኦዴዳ። 9 ሃቀ ዲራው፡ ኣብራሃሞ አማኒዴ ኣንጃቴዳቀዳን፡ አማኒያቀንቴ ኣቀዳካ ኣንጃታና።

10 ሂጊያ ኦሱቀን አማኔቴዴ ዴዒያቀንቴ ኡባይ ሺቃ ጊደን ዴዒኖ፤ ኣዪሲ ሳቴ፡ ያሳ ማፃፋይ፡ «ሂጊያ ማፃፋን ፃፊቴዳ ኡባባኒ ዴዒናዌኔ ፖሌናዌ ኦኒኔ ሺቁቴዳቀ» ያጌ። 11 ያሳ ማፃፋይ፡ «ያሳ ሲንሳን ዒላቱ ኣኒ አማኔቴዴ ዴዑቀን ዴዒና» † ጊያ ዲራው፡ ኦኒኔ ያሳ ሲንሳን ሂጊያ ናጊያቀን ዒሊናዌ ኤሪቴዳቀ። 12 ሂጊ አማኑቀን ባሴቴ ኤቂ ቤና፤ ሺን ያሳ ማፃፋይ፡ «ሂጊ ጊያቀ ፖሊያዌ ኣኒ ዴዑቀን ዴዒና» ያጌ።

13 ያሳ ማፃፋን፡ «ሚላ ቦላ ካቁቴ ሃይቁያ ኦኒኔ ሺቁቴዳቀ» ጌቴቴ ፃፊቴዳ ዲራው፡ ኪሪሰቶሲ ኦ ዲራው ሺቁቴዳቀ ጊዲዴ፡

* 3:7 አማኒያቀንቴ ኣብራሃሜ ዛሬ፡ ያሳይ ኣብራሃማ ዶሬዳ፤ ሄ ዲራው ኦኒኔካ ኣብራሃሜ ናዓ ጌቴቴዳቁ፡ ያሳ ናዓ ጊዲያዌ አማኔቴዳ። 3:29 ዌሊቴ። 3:7 ሮሞ 4:16 3:8 ዶሞ 12:3 † 3:11 «ያሳ ሲንሳን ዒላቱ ኣኒ አማኔቴዴ ዴዑቀን ዴዒና»፡ ያሳይ ኣኬዳ ኣሳይ አማኑቀ፤ ዴንዴዳቀን ዴዑቀን ዴዒ። 3:12 ዎግ 18:5

ኑና ሂጊያ ሹቃፔ ዎዚ አኩዳ። 14 ኪሪስቶሲ ሄዎ አዩሲ ኦሴዳ ጎፔ፣ ያሳይ አማና ጌዳ፣ ጌሻ አያና ኑኒ አማኑዎን አካናዳኒኔ አብራሃሜ አንጁ ባሬ ባጋና አዩሁዳ ጌዳና አሳ ጋካና ማላ ጌዳ ኦሴዳ።

ሂጊ ሂደታ ቃላ ኮሌና

15 ታናዳን አማኒያዎንቶ፣ ታኒ አሳይ ጊያዎዳን ሂንቴንቶ ጋይ፤ ሃራይ አቶ ላዑ አሳቱ ኢቲ ዩዉዎ ሃሳዩዳ፣ ጫቁዎ ዎሴዳዎፔ ሂኒ ባጋን፣ ኦኒኔ ሄ ጫቁዎ ቢላናው ዎይ ሃራባ ሄ ጫቁዎ ቦላ ጉጃናው ዳንዳዬና። 16 አብራሃሞኔ አ ዛሪ ያሳይ ሲንሳፔ አማና ጌዳ ሃሳዩዳዎ ሲሴዲኖ። ያሳ ማፃፋይ ጮራ አሳው ሃሳዩያዎዳን፣ «ኔ ዜሬላቱዎሲ» ጌና፤ ዎጊ ጎፔ፣ «ኔ ዛሬው» ያጌ። ሃዌኔ፣ ኢቲ አሳ ፃላላ ጌ፤ ኢካ ኪሪስቶሳ።

17 ታኒ ጊያዌ ሃዎ፤ ያሳይ አብራሃሞሲ ጫቁዳ፣ ሃ ጫቁዎ ታኒ ናጋና ያጌዳ። አይዲ ዪታኔ ሃታሙ ላይሳፔ ጉዩያን ዩዳ ሙሴ ሂጊ ያሳይ ዎሴዳ ሃ ጫቁዎ ቆዩሳናዉኒ ሲንሳፔ አማና ጌዳ ሃሳዩዳዎ ዲጋናው ዳንዳዬና። 18 አዩሲ ጎፔ፣ ያሳይ አማኒያ ላታይ ሂጊያን ቤቲያዎ ጊደፔ፣ ያቲና ያሳይ ሲንሳፔ አማና ጌዳ፣ ቃላ ጌሌዳዎና ጌዳና ጊያዎ፤ ሺን ያሳይ አማና ጌዳ ቃላ ጌሌዳዎን ላታ አብራሃሞሲ አማዳ።

19 ያቲና፣ ሂጊ አዩሲ ዳዒ? ሂጊ ባዩዞ ኦሱዎ ጊዲያባይ አዩንቶ ቤሳናው ያሳይ አማና ጌዳ ሃሳዩዳ አብራሃሜ ዛሪ ያና ጋካናው ጉጃቲዳ፤ ኪታንቻ ባጋና ሙሴ ጋናቲያዎን አማቴዳ።

20 ጋናይ ኢቲ ኡራ ፃላላሳ ጌዳና፤ ሺን ያሳይ ኢቱዎ።

ሂጊያ ቆፋ

21 ያቲና፣ ያሳይ ሲንሳፔ አማና ጌዳ ሃሳዩዳዎ፣ ኢቲ ሂጊ፣ «ሃኔና» ያጊ? አዒ! ሄዎ ጌና። አዩሲ ጎፔ፣ ሂጊ አሳው ዳዑዎ አማናው ዳንዳዩያባ ጊደፔ፣ ዪሎቴላይካ ቱሙ ሂጊያ አዛዜቲያዎፔ ቤቲ ጊያዎ። 22 ሺን ዩሱሲ ኪሪስቶሳ አማኒና፣ ያሳይ ሲንሳፔ አማና ጌዳ ቃላ ጌሌዳ ላዒቲላይ፣ አማኒያዎንቶ አማታና ማላ፣ አሳይ ኡባይ ናጋራሲ ዎዴቲዳ ዳዒያዎ፣ ያሳ ማፃፋይ ኦዳ።

23 ሺን ካሴ ሃ አማኑ ያናሲ፣ ሲንሳፔ ቆንጫና አማኖ ሂጊ ኑና ቃሹቲዳ አሳዳን ጎርዲ ዎሴዳ። 24 ሄዎ ዲራው፣ ኑኒ አማኑዎን ዪላና ማላ፣ ኪሪስቶሲ ያና ጋካናው ሂጊ ኑና ናጊያዎ ጌዳዳ።

25 ሺን ሃዒ ሲሚ አማኑ ዬዳ ዲራው፡ ሂጊ ሃዋፔ ሲንጻው ኑና ናጊያዋ ጊዳና።

26 ሂንቴንቴ ኡባይ አማኑዋ ባጋና ኪሪሰቶሳ ዬሱሳን ኢቱዋ ጊዳዳ ያሳ ናና። 27 እዪሲ ጎፔ፡ ሂንቴ ኪሪሰቶሳና ኢቱዋ ጊዳና ማላ ፃማቄቴዳ ኡባቱ ኪሪሰቶሳ ማዬዲታ። 28 ሄዋ ዲራው፡ አዪሁዳ አሳ ጊዳኒኔ ጊሪኬ አሳ ጊዳን ዲማቴላይ ባዋ፤ አይሊያ ዎይ ዎማኑዋ ጊዳን ዲማቴላይ ባዋ፤ አቱማዋ ዎይ ማጫ አሳ ጊዳን ዲማቴላይ ባዋ። እዪሲ ጎፔ፡ ሂንቴንቴ ኡባይካ ኪሪሰቶሳ ዬሱሳን ኢቱ አሳ። 29 ሂንቴንቴ ኪሪሰቶሳዋ ጊዳፔ፡ ሲሚ ሂንቴንቴ አብራሃሜ ዛሬ፤ ቶሲ ያሳይ ሲንጻፕ አማና ጊዳ ቃላ ጌሌዳዋ ላቲያዋንታ።

4

ኑኒ ያሳ ናና ጊዳያዋ

1 ሺን እኩኪቲ፤ ባሬ አቡዋ ላቲያ ናባይ ናባቴላን ደዒዳ፡ ዳዒያዋ ኡባው ጎዳ ጊዳፔካ፡ አይላቱዋፔ አው ዲማቴያሳይ ባዋ። 2 ሺን ባሬ አቡ ጌዳ ዎዲ ዉራና ጋካናው፡ አ ሃዳራ እኩዳዋንቴ ኩሺያንኒ አ ሚሻ ናጊያዋንቴ ኩሺያን ደዒ። 3 ሃዋዳን ኑኒካ ቃሲ ናባቴላን ደዒያ ዎዴ፡ ሃ አላሚያ ዋዲያ አያናቱዋሲ አይሌቴዶ። 4 ሺን ያናው ቤሲያ ዎዲ ጋኬዳ ዎዴ፡ ያሳይ ማጫዉኒፔ ዬሌቶዋ፡ ሙሴ ሂጌው ዋዴቲያ አሳ ጋርሳን ዬሌቴዳዋ፡ ባሬ ናባ ከቲዳ። 5 እዪሲ ከቲዳ ጎፔ፡ ሂጊያን ዋዴቲዳ ደዒያዋንታ ዎዳናዉኒ ኑና ባሬ ናና ኡላናው ከቲዳ።

6 ያሳይ ሂንቴ አ ናና ጊዳያ ዲራው፡ «አባቦ፡ ታ አቦ» ጊዳ ዋሲያ ባሬ ናባ አያና፡ ኑ ዎዳና ጊዳ ከቲዳ። 7 ሄዋ ዲራው፡ ሃዋፔ ሲንጻው ኑኒ ያሳ ናና ጊዳያዋፔ አቲን፡ አይሌ ጊዳካ፤ ቃሲ ኑኒ አ ናና ጊዳፔ፡ ኪሪሰቶሳ ባጋና ያሳይ ቃላ ጌሌዳባ ላቲያዋ።

ጳዉሎሲ ጋላቴያ አሳባ ሂርጌዳ

8 ሺን ሂንቴ ሃዋፔ ካሴ ያሳ ኤሪናን ደዒዳ፡ ቱማ ጊዳና ያሳቱዋሲ አይሌ ጊዳዳ ኤኖ ጌዲታ። 9 ሺን ሃዒ ያሳ ኤሪዳ፡ ኡባካ ያሳን ኤሪቴዳ፡ ላፋኔ ቃሲ ካዴቴዳ ሃ አያናቱዋኮ ዋኒዳ ሲሚቲ? ሺሬቲ ሲሚ፡ አይሌ ጊዳዳ፡ ላዒሉዋ ኡንቴንቶ ኤኖ ጋናው ኮዪቲ? 10 ዲማቴዳ ጋላሳቱዋ፡ አጌናቱዋ፡ ዎዴቱዋኔ

‡ 3:29 አብራሃሜ ዛሬ፡ ሃዒ ኑኒ አብራሃሜ ጎሌ አሳ፡ ሄዋሳ ጳዉሎሲ ጋላቴያ አሳው ኡዲዳ፡ ኢቲ አሳይ ዬሱሳ አማኑዳ አማኑዋን አብራሃሜው ቱሙ ናባ ያጌቲዳ ያጌቲ፡ ሄዋ ጉሳይ ያሳ ናና ጉሳ። 3:7 ያለቲ።

ላይላቸው ሂንቲ ሎይሊ ናጉዋን አይሉቲዲታ። 11 ታና ሂንቲባይ ያሽ፤ ታኒ ሂንቲንቶ ጮ ጋዴ ሜላ ዳቡራዲታሻ?

12 ታናዳን አሚኒያዋንቶ፣ ታኒ ሂንቲንቲዳን ሃኔዳ ዲራው። «ሂንቲንቲካ ታናዳን ሃኒቲ» ጋዴ፣ ሂንቲንታ ዋሳይ፤ ሂንቲ ታና አይኔ ናቂቤይኪታ። 13 ታኒ ኮይሮ ሂንቲንቶ ሚሺራቸው ቃላ አዴዳዌ ታና ሃርጊሲሺና ጊዲያዋ ሂንቲ ኤሪታ። 14 ታው ፓፀቴላይ ቆዩዴ፣ ሂንቲንቶ ፓጩ ጊዲናካ፣ ታና ካዲቤይኪታ፤ ሽኔቲካቤይኪታ። ሄዋ ዲራ ኡባ ታና ያሳ ኪታንቻ ሞኪያዋዳን፣ ዋይ ኪሪሰቶሳ ዩሱሳ ሞኪያዋዳን ሞኬዲታ።

15 ያቲና፣ ሄኮ ሂንቲ ናሽቲያዌ ቤቴና! ታና ጊደፔ፣ ሂንቲንቶ ዳንዳይቲያባ ጊዲና፣ ታው ሂንቲ ሂንቲንቲ አይፊያ ዋጪ አሚንቶኔ አዳናዋ ማርካታይ። 16 ያቲና ታኒ ሂንቲንቶ ትሙዋ ኦዲያ ዲራው፣ ሂንቲ ሞርኬ ጊዳይታ?

17 ሃራ አሳቲ ሂንቲንቶ ቃሪቲያዋ ማላቲና፤ ሺን ኡንቲንቲ ቆፋይ ሎዴና፤ አዩሲ ጎፔ፣ ሂንቲ ኡንቲንቶ ቃሪታና ማላ፣ ታፔ ሂንቲንታ ሻካናው ኮዩና። 18 ሺን ታኒ ሂንቲ ማታን ዴዲያ ዋዴ ያላላን ጊዴና፣ ኡባ ዋዴካ ሎዶባን ሂንቲ ኮዩቲያዋንታ ጊደፔ ሎዳ።

19 ታ ሲቆ ናቶ፣ ኪሪሰቶሳ ሜዴታይ ሂንቲንቲን ቤታና ጋካናው፣ ማጫወና ኦይላይ ሳኪያ ኪና፣ ታኒ ሂንቲ ዲራው ሳኪታይ።

20 ሺን ታኒ ሂንቲንቶ ሂርጊያ ዲራው፣ ሃዲ ሂንቲ ማታ ባዴ ሂንቲንቲና ደናን ሃሳያንቶ፣ ዳሪ ደሳይ።

አጋሪኔ ሳሪ ለሚሱዋ

21 ሙሴ ሂጊያን ሞዴቲዴ ዴናናው ኮዩያዋንቶ፣ ሂጊ ጊያዋ ሲሰከቲ? አኔ ታው አዲቲ። 22 አዩሲ ጎፔ፣ ያሳ ማፃፋይ፣ «አብራሃሞሲ ዳንጋዲራቲፔኔ ጎዳቲፔ ዩሌቲዳ ላዑ ናናይ ዴዲኖ» ያጌ። 23 ሺን ዳንጋዲራቲ ናዓይ አሳይ ናዓ ዩሊያ ማራዳንካ ዩሌቲዳ፤ ቃሲ ጎዳቲ ናዓይ፣ ያሳይ ሲንላፔ አማና ጊዴ ቃላ ጌሌዳዋን ዩሌቲዳ።

24 ሃ ላዑ ማጫዋንቲ ላዑ ጫቁዋሲ ጊዲያ ለሚሱ። ኡንቲንቲፔ ኢቲና፣ ሙሴሲ ሂጊ አሜቲዳ ሲና ዴሪያፔ ጫቁ ዩዳወና፣ ባሪ ናና አይሌቲላው ዩላዲ፤ አዛካ አጋሮ። 25 ሃ አጋራ አራቢያ ፔቲቲያ ጋዲያን ዴዲያ ሲና ዴሪያን ለሚሴታው፤ ቃሲካ ሃዲ ዴዲያ ዩራሳላሚን ለሚሴታው፤ አዩሲ ጎፔ፣ ዩራሳላሚ ካታማይ ባሪ ጊደን ዴዲያ አሳ ኡባና ሙሴ ሂጊያ አይሌቲላን ዴዴ። 26 ሺን ሳሉዋን ዴዲያ ዩራሳላሚ አይሌቲላን ዴዑኩ፤ አዛ ኮሲ አቶ ጊዴዳ ሳሮ። 27 አዩሲ ጎፔ፣ ያሳ ማፃፋይ።

«ሃኔ፥ ዩላቤና ማንላቴ፥ ናሼታ፤
ዩሉዋ ኦይላይ ኦይቁ ኤሬናዉኔ፥
ኔ ኮሻ ጶቁ ኦላዳ ኢሊላ!

አዪሲ ጎፔ፥ ባሬ አሲናና
ዳዒያ ማጫዉኒ፤
ባሬካ ዳዒያ ማጫዉኒው
ጮራ ናናይ ዳዒና»

ያጌ።

28 ታናዳን አማኒያዋንቶ፥ ኩኒካ ሳሪ ናዓ ዪሳቃዳን፥ ያሳይ ሲንላፔ ኢማና ጊዳ ቃላ ጌሌዳ ናና። 29 ሺን ሄ ዋዳ አሳ ማራዳን ዩሌቴዳዌ፥ ያሳ አያናይ ጌዳዋዳን ዩሌቴዳዋ ዩዳርሲ ዲጎዋዳን፥ ሃዒካ ሄዋ ማላ። 30 ሺን ያሳ ማፃፋይ ዋጊ? «ዳንጋዲርቲ ናዓይ ጎዳቲ ናዓና ኢቲፔ ላቴና ዲራው፥ ዳንጋዲራቶ ኢዚ ናዓና ኢቲፔ ኬሳ ዩዳ» ያጌ። 31 ሄዋ ዲራው፥ ታናዳን አማኒያዋንቶ፥ ኩኒ ጎዳቲ ናና ጊዲያዋፔ አቲን፥ ዳንጋዲራቲ ናና ጊደኮ።

5

ኪሪሰቶሳን አይሌቴላፔ ኬሱሳ

1 ኩኒ አይሌቴላይ ባይናን፥ ዳዒና ማላ፥ ኪሪሰቶሲ ኩና አይሌቴላፔ ኬሱዳ፤ ሲሚ ሚኒዳ ኤቂቴ፤ ላዒንሱዋ አይሌቴላ ሞርጌ ሚላን ዋዳቶፔ።

2 ሲሲቴ፥ ታኒ ጳዉሎሲ፥ ሂንቴንታ ያጋይ፤ ሂንቴ ቃፃሬቲያዋ ጊደፔ፥ ኪሪሰቶሲ ሂንቴንታ አይኔ ማዳና። 3 ቃፃሬቲያ ኡባቲ ሂጊ ጊያዋ ኡባ ፖሊዳ ናጋናው ቤሲያዋ ጉጃዳ ቆፔላይ። 4 ሂጊያ ናጊዳ ያላናው ኮዪያዋንቶ፥ ኪሪሰቶሳፔ ሻኬቴዲታ፤ ያሳ አጶ ከካቴላፔካ ኩንዳዲታ። 5 ኩና ጊደፔ፥ ኩኒ ያሳ አያና ባጋና አማኑዋን ያላናው ናሼቻን ናጌቶ። 6 አዪሲ ጎፔ፥ ኩኒ ኪሪሰቶሲ ዩሱሳና ኢቲፔ ዳዖፔ፥ ሲቁዋን ኦሊያ አማኑዋፔ አቲን፥ ቃፃሬቲናካ፥ ቃፃሬቲናኪ አጊናካ ኩና አይኔ ማዳና።

7 ካሴ ሎዖ ዋዲታ፤ ሺን ቱማቴላው ሂንቴ ኤኖ ጌና ማላ፥ ኦኔ ሂንቴንታ ዲጌዳዌ? 8 ሃ ጪሙ ሂንቴንታ ያሴዳ ያሳፔ ዪቤና። 9 አሳይ ጊያዋዳን፥ ጉላ ኢርሹ ሙናቃ ኡባ ዳንጮ። 10 ሂንቴንቱ ሃራባ ቆፔናዋ ታኒ ያሳን አማኔታይ፤ ሺን ሂንቴንታ ማቴያ ኡሪይ ኩና ጊደፔ፥ ያሳፔ ባሬ ፒርዳ አካናዋ።

11 ሺን ታናዳን አማኒያዋንቶ፡ ታኒ ሃዋ ጋካናው ቃፃራይ ኮሺያዋ ኦዲያዋ ጊዶ፤ ታና አዪሲ ዬዳርሲኖ? ሄዌ ቱማ ጊዶ፤ ታኒ ኪሪሰቶሳ ማሰቃሊያባ ታማሪሲና አይኔ ሜቲያባይ ባዋ። 12 ሂንቴንታ ሜቶሊያዋንቱ ባሬንታ ባሬንቶካ ጎይሬሪኪኖሻ!

13 ሂንቴንታ ጊዶ፤ ታናዳን አማኒያዋንቶ፡ አይሌቴላፔ ኬሳናው ያሴቴዲታ። ጊዶፔኔካ አይሌቴላፔ ሂንቴ ኬሴዳዋን፡ ሂንቴ አሳቴላ አሙ ሂንቴንታ ሞዶ። ሄዋ ዲራ ሲቁዋን ኢቱ ኢቶ ሞዳቲቴ። 14 አዪሲ ጎፔ፡ ሂጊ ኡባይ ኢቲ ሃሳያን ቃሼቴዳ፤ ኢካ፡ «ኔ ሾሩዋ ኔ ሁጺያዳን ሲቃ» ያጊያዋ። 15 ሺን ሂንቴ ኢቱ ኢቱዋና ሳዔቲያዋን ሜቲቴያዋ ጊዶ፤ ሂንቴ ሂንቴ ጊዶን ዉሬና ማላ ናጌቲቴ።

አያናኔ አሹዋ

16 ሺን ሲሲቴ፤ ያሳ አያናይ ሂንቴንታ ካሌሊያዋ ጊዶ፤ ሂንቴ አሹዋ አሙዋ ሙሌካ ፖሊኪታ። 17 አዪሲ ጎፔ፡ ኑ አሹ አሞቲያዋ ጌሻ አያናይ ኢዳ፤ ቃሲ ጌሻ አያናይ አሞቲያዋ ኑ አሹ ኢዳ፤ ሃዋንቱ ኢቱ ኢቱዋና ኢዳቲኖ። ሄዋ ዲራው፡ ሂንቴ ዶሲያዋ ኦላናው ዳንዳይኪታ። 18 ሺን ያሳ አያናይ ሂንቴንታ ካሌሊያዋ ጊዶ፤ ሙሴ ሂጊ ሂንቴንታ ሞዳና።

19 አሹዋ ኦሱ ኤሬቴዳዋ፤ ኢካ አዬ ጎፔ፡ ዋሹሚያዋ፡ ቱናቴላ፡ አዴዳ ቱናቴላ ኦሱዋ፡ 20 ኤቃው ጎዪኒያዋ፡ ቢቲያዋ፡ ሞርኬቴላ፡ ፓሉማ፡ ቃናቲያዋ፡ ሃንቁዋ፡ ባሬና ዶሲያዋ፡ ዋላቁቲያዋ፡ ኢቱ ኢቱዋ፤ ሻኬቲያዋ፡ 21 አሳዋ አሞቲያዋ፡ ማላቲያዋ፡ ዬላንቻ ጊዲያዋን ሃዋንታ ማላቲያዋንታ። ካሴካ ታኒ ሂንቴንቶ ኦዴዳዋዳን፡ ሃዋንታ ማላቲያዋንታ ኦሊያዋንቶ ያሳ ካዉቴላን ጌሊያሳይ ባዋ።

22 ሺን ጌሻ አያና አይፊ፡ ሲቁዋ፡ ናሼቻ፡ ሳርቴላ፡ ዳንዳያ፡ ኬካቴላ፡ ሎዖቴላ፡ አማኔቲያዋ፡ 23 አሺኬቴላ፡ ባሬ ሁጺያ ናጊያዋ። ሄዋንታ ማላቲያዋንታ ዲጊያ ሂጊ ባዋ።

24 ኪሪሰቶሳ ዬሱሳባ ጊዲያዋንቱ ባሬንቱ አሳቴላ አ ኢታ ቆፋና ኦ አሙዋና ኢቲ፤ ማሰቃሊያ ቦላን ሚሲማሪያን ዲሺዴ ካቁዲኖ። 25 ኦሲ ጌሻ አያናይ ደዑዋ ኢሞዋ፤ ጉዪያን፡ ኑና ቃሲ ኢ ካሌላ። 26 ኢኔ ኦቶሬቲያዋ፡ ዋይ ኢቱ ኢቱዋ ሃንቁሊያዋ፡ ዋይ ኢቱ ኢቱዋ ቃናቲያዋ አጎይቴ።

6

ኢቲ ኢቲዋና ማዴቲያዎ

1 ታናዳን አማኒያዎንቶ፡ ሂንቴናን ጌሻ አያናን ዳዒያዎንቲ ኢቲ ኡራይ አይ ባዪዙዎ ኦሊዴ፡ ቤቶፔካ፡ አሺኬቴላ አያናን አ ሱሪሲቴ፤ ቃሲ ሂንቴ ፓጩቴና ማላ፡ ሂንቴ ሁጲያ ናጊቴ። 2 ኢቲ ኢቲዎ ቶኩዎ ቶኪቴ፤ ሄዎ ኦሊያዎን ኪሪሰቶሳ ሂጌው አዛዘቲታ። 3 አዪሲ ጎቴ፡ ኢቲ ኡራይ አይኔ ሃኔናን ዳዒዴ፡ ኢቲባ ኢ ሃኔዳዎ አው ማላቶቴ፡ ባሬ ሁጲያ ጨሜ። 4 ሺን አሳይ ኡባይ ሁጲያን ሁጲያን ባሬ ኦሱዎ ፓጩ፤ ሄዎቴ ጉዪያን፡ ሃራ አሳዎና ሊኬናን፡ ባሬ ሁጲ ኦሱዎ ፃላላን አማኔቲያዎ ዳማና። 5 አዪሲ ጎቴ፡ አሳይ ኡባይ ሁጲያን ሁጲያን ባሬቴ ናጌቲያዎ ኦላና ቤሴ።

6 ሺን ያሳ ቃላ ታማሪያዌ ባሬው ዳዒያ ሎዖባ ኡባ ባሬና ታማሪሲያዎና ሻኮ።

7 ሂንቴንታ ሂንቴሬካ ጨሞፕቴ። ኦኒኔ ያሳ ቦላ ቂሊጫናው ዳንዳዬና፤ አዪሲ ጎቴ፡ አሳይ ባሬ ዜሪያዎ ዛሬሊዴ ቆይጫና።

8 ባሬ አሹዎ አሙዎን ዜሪያዎ ጊዶቴ፡ አሹዎ አሙዎቴ ሃይቁዎ ቆይጫና። ሺን ያሳ አያናን ዜሪያዎ ጊዶቴ፡ ያሳ አያናቴ ሜጲና ዳዑዎ ቆይጫና። 9 አኔ ሎዖ ኦሱዎ ኦላናው ሚኖይቴ። አዪሲ ጎቴ፡ ኮኒ ሚኒ አሶቴ፡ ቆይጫያ ዎዲ ሲንላቴ ያናዎ። 10 ሄዎ ጊዶቴ ሃ ኦላናው ኮኒ ዳንዳዪያዎን፡ አሳ ኡባው ሎዖባ አሶይቴ፤ ሺን ኡባቴ አሊዴ፡ ኦናና አማኑዎን ዳዒያዎንቶ ሎዖባ አሶይቴ።

ወርሴላ ዞሪያኔ ሳርታ

11 ታኒ ታ ኩሺያን፡ አይ ማላ ዎልቃማ ፒዶላቱዎን፡ ሃዎ ሂንቴንቶ ፃፋዲታንቶ ቤዒቴ። 12 አሳ ሲንላን ሎዒዴ ቤታናው ኮዪያ ኡባቱ፡ ሂንቴ ቃፃሬታና ማላ ኮዪና፤ ሺን ሄዎ ኡንቲንቲ ኦሊያዌ ባሬንቶ ኪሪሰቶሳ ማስቃሊያ ዲራው ዬዴርሴቴናን አታና ፃላላሳ። 13 አዪሲ ጎቴ፡ ኡንቲንቲ ሂንቴ ቃፃሬቴዳዎን ጨቁታናው ሂንቴንታ ቃፃሬቴኖ ጊኖቴ አቲን፡ ሃራይ አቶ ቃፃሬቴዳዎንቲካ ባሬንቲ ሁጴው ሙሴ ሂጊያ ናጊኪኖ።

14 ሺን አላሚ ታው ካቂቲና፡ ታኒካ አላሚው ካቂቲዳ ዬሱሲ ኪሪሰቶሳ ማስቃሊያቴ አቲን፡ ታኒ ጨቁቲያባይ ሃራባይ ታቴ ሃኮ። 15 አዪሲ ጎቴ፡ ኪሪሰቶሲ ዬሱሳን ኦራላ ሜዴታ ጊዲያዌ ማዴቴ አቲን፡ ቃፃሬቴናካ ቃፃሬቴናን አጊናካ አይኔ ማዴና። 16 ሃ ዎጋን ሃሜቲያ ኡባቱዎ ቦላኒኔ ያሳ አሳ ኡባ ቦላ፡ ሳርቴላይኔ ማርቴላይ ጊዶ።

17 ታኒ ዩሱሳው ማይቴድ ማላ ታ ቦላን ቶኬዳ ዲራው፤
ሃዋፔ ሲንጻው ኢቲ አሳይካ ታና ሜቶላፖ።

18 ታናዳን አማኒያዋንቶ፤ ኑ ጎዳ ዩሱሲ ኪሪሰቶሳ አጾ
ከካቴላይ ሂንቴንቴና ጊዶ። አሜንዒ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c